

* **Konsekvenco.** 1 Tio, kio logike sekvas el starigita principo : *refuti doktrinon per ĝiaj ~oj* ; rimarku tiun ĉi artifikan ~on, tiun ĉi amuzan konkludon de la najbareco de korpo al la harmonio de spirito Z. Kp KONKLUDO, SEKVO, REZULTO, DEDUKTO, KOROLARIO. 2 Logika aŭ racia interligiteco inter faktoj aŭ ideoj : *vivi laŭ la neŝanĝebla ~o de naturo* ; paroladi sen ordo k ~o ; havi ~on en la ideoj. ~a. 1 Logike aŭ racie interligita kun tio, kio antaŭas : ~a konkludo ; ago ~a kun la precedencoj ; tio ĉi estas nur ~a sekvo de liaj opinioj Z. 2 Karakterizas iun, kies ĉiuj agoj, aŭ ion, kies ĉiuj elementoj logike interligiĝas : ~a homo, konduto ; tie ĉi la lingvo germana ĉesas esti ~a Z. ~e. Laŭ ~a maniero : 1 la esp-ismo celas la reciprokan sinkomprendadon k ~e ankaŭ estimon k amon inter ĉiuj gentoj k nacioj Z (Kp KONKLUDO, SEKVE, DO). 2 Timante nek ĝenon, nek mokon, li agas ~e laŭ la ideoj, kiujn li konsideras ĝustaj. Mal~a. Havanta nenium ~on : mal~aj ideoj, metaforoj ; mal~a stilo, konduto. Ne~o, sen~o. Io, kio ne logike interligiĝas kun antaŭaĵoj : oni devas aŭ ridi aŭ plori je tiuj ridindaj sen~oj Z ; lute ne kapabli ion fari por levi sin el la malestiminda situacio, k samtempe ne kapabli paciencie toleri la batojn k ofendojn, kiujn donas tiu situacio, kia ne~o Z !

* **Konsenti.** 1 (x) Samopinii pri vereco, praveco aŭ taŭgeco de io ; havi komunan manieron senti aŭ pensi pri io : ~i ion Z, pri io ; ĉiuj homoj ~as, ke du k du estas kvar ; de ĉiuj ~ita veraĵo ; mi prenas kiel ~ile, ke la spaco estas senfina ; mi ~as, ke vi estas prava Z ; ili ~iĝis inter si, ke ...u Z (Kp AKORDI 1, APROBI). 2 (x) Malrifuzi fari ion : vane vi tentos, mi ne ~os Z ; li ~is logi ĉe tiu homo Z, sin submeti al kuracado B ; ĉar ni zorgas pri la feliĉo de nia infano, ni ~as doni ŝin al vi B ; mi ~us tian pagon, se oni akceptus min kune kun mia filineto Z ; ŝi senpripense ~is la perfidan peton : « tiel estu », ~is li fine ; li ne ~as tro suferi pro siaj ideoj (Kp OBEL, CEDI). 3 (tr) Akcepti doni, volonte doni : ~i donacon, peton Z, favoron Z al iu ; ~i pruntan, kreditan (Kp CEDI, JESI). ~o. 1 Akordo inter pluraj personoj aŭ aĵoj pri io : veraĵo akceptita de la universala ~o ; tiuj ĉi horloĝoj iras en preciza ~o Z (Kp PACO). 2 Volonta jeso pri deziro

aŭ opinio de iu : *silento estas ~o Z* ; kontrakto supozas la ~on de la du partioj ; doni sian ~on al edziĝo. 3 Volonta malrifuzo : la ~o pri tiu privilegio estas tute provizora. ~a. Karakterizata per ~o : *eĉ ses homoj ne havas hodiaŭ ~an opinionon pri tio* ; la ne~aj homoj preĝoj Z ; ~e gesti (montri per gesto, ke oni ~as). ~ebla. Karakterizas ion, kion oni povas facile k racie ~i : tiu konkludo estas la sola ~ebla. For~i (tr) Rezigni. Inter~i 1 (ntr). Esti en akordo ; akorde agi : *perfide, sekrete inter~i Z*. 2 (x) Arangi kontrakton kun iu pri difinita punkto ; interakcepti : *ili inter~is la prezon, pri la prezo* ; esti en inter~o kun iu Z ; pli valoras inter~o ol juĝa dokumento Z ; inter~ita signo (Kp KONDIĈA). Mal~i Z. 1 (ntr) Havi diferencajn, kontraŭajn opiniojn aŭ dezirojn : okazas ofte, ke fratoj mal~as inter si ; internacia mal~o (Kp DISKUTO, KONFLIKTO). 2 (x) Malakcepti, rifuzi proponon aŭ peton : *li mal~is, ke oni lin esploru ; ni esperas, ke ili ne mal~os, se mi hodiaŭ sciigos publike, ke... Z* ; mal~i kun iu pri io (Kp MALPACI, KVERELI, ĈIKANI, PROCESI, PROTESTI, BATALI). RIM : **Akordi** esprimas naturan kutiman komunecon de opinioj ; **konsenti** signifas saman komunecon, sed pri speciala punkto, k akirita nur post hezito aŭ diskutado.

* **Konservi** (tr). 1 Zorgi, ke io ne difektigu aŭ ne perdiĝu ; malebligi pereon de io : li sukcesis ~i de putriĝo la kadavron B ; malproksima antikveco, pri kiu neniam historio ~is al ni eĉ la plej malgrandan dokumenton ; ili ne povis ~i sian animon viva Z ; ~i sekreton, la varmon, librojn, arkivojn, deponaĵojn ; okultviroj, kiuj ~as la vidadkapablon ; oni ~is nur unu alon de la konstruaĵo ; li devis zorgi pri loko, kie li povus ~i siajn ormonerojn por gardi ilin de ŝtelistoj. 2 Ne perdi ; daŭrigi posedi ; havi ankoraŭ : kiu kaptas tro vaste, malmulte ~as Z ; ~i la pacon, la ordon, sian rangon, sian tutan forton aŭ potencon, sian valoron, sian junecon, sian belecon, la vivon Z, siajn dentojn ; la ĉielo ~is ankoraŭ postesignojn de la matenruĝo B ; ~i sian opinion, konvinkon, agrablan memoron pri tio, amikajn rilatojn kun iu, tradician moron, sian seriozecon ; la konferenco ~is ĉiam pure teknikan karakteron ; ~i al iu fidelecon Z,